



"2025. Bicentenario de la vida municipal en el Estado de México"

NUK'O NI NGEJME NI PJONS'Ī NU PÄRPÄ ARKETE K'Ī SIS'I NU NGUNB'ÉPJĪ NI CHJUU CONSEJO ESTATAL PARA EL DESARROLLO INTEGRAL DE LOS PUEBLOS INDÍGENAS DEL ESTADO DE MÉXICO K'A NI PJONS'ĪJI YO REGLAS DE OPERACIÓN NU PROGRAMA DE DESARROLLO SOCIAL "DESARROLLO INDÍGENA CON BIENESTAR".

A ĩĩĩ B'atr'a nu Ts'ib'onrró ñeje naja jmama k'ĩ mama Estado de México ¡El poder de servir! Neje naja b'ezhe k'o mama: BIENESTAR, Secretaría de Bienestar ñeje naja kis'ĩ k'a mama: CEDIPIEM, Consejo Estatal para el Desarrollo Integral de los Pueblos Indígenas del Estado de México.

ZOYA ÑANTE MANUEL QUIÑONES FLORES, NU PÄRPÄ ARKETE K'Ī SIS'Í NU NGUNB'ÉPJĪ NI CHJUU CONSEJO ESTATAL PARA EL DESARROLLO INTEGRAL DE LOS PUEBLOS INDÍGENAS DEL ESTADO DE MÉXICO, NZI RA KJAA K'O MAMA K'A NU JMAMA 78 K'A CONSTITUCIÓN POLÍTICA DEL ESTADO LIBRE Y SOBERANO DE MÉXICO; 23 K'A NI TS'AB'Ī VII, 37 YO NI TS'AB'Ī I, II, III, V, ÑEJE VII, 64 ÑEJE 66 K'A NU LEY ORGÁNICA DE LA ADMINISTRACIÓN PÚBLICA DEL ESTADO DE MÉXICO; 3 NI TS'AB'Ī XI, 4, 5, 6, 10, 11, 12, YO NI TS'AB'Ī I ÑEJE II, 17 YO NITS'AB'Ī II ÑEJE IV K'A NE LEY DE DESARROLLO SOCIAL DEL ESTADO DE MÉXICO; YO NI TS'AB'Ī XIII ÑEJE XXVII K'A NU KJUANZAKĪ K'A BA PJONS'ĪJI NU NGUNB'ÉPJĪ K'A JÑIÑI NI CHJUU CONSEJO ESTATAL PARA EL DESARROLLO INTEGRAL DE LOS PUEBLOS INDÍGENAS DEL ESTADO DE MÉXICO NEJE 10 NI TS'AB'Ī XIII K'A NU REGLAMENTO INTERIOR; NZI XO NI KJANU YO LINEAMIENTOS BÁSICOS PA SÓO RI XOS'ĪJI NU YO PROGRAMAS DE DESARROLLO SOCIAL DEL ESTADO DE MÉXICO; ÑEJE

NZI RA JMAMA

Nuk'ĩ ne Asamblea General de las Organización de las Naciones Unidas (ONU), o nrrée ne kjée 2015 nu Agenda 2030 pa ne Desarrollo Sostenible k'ĩ ngeje nu b'épji k'a ri nbós'ĩ yo tee, nu xoñijómĩ neje ja ri ngaraji na joo, k'ĩ xo ni kjaa ra zéchi nu jmimi na joo k'a xoñijómĩ neje na joo ri mbés'ĩ yo kjuanzakiji.

Nuk'ĩ Agenda 2030 mama ra ngins'i 17 Objetivos de Desarrollo Sostenible (ODS), ko 60 b'épji ri nee ra ngins'iji k'a ni textrjoji neje k'a dya sóo ri xónkiji k'a ni dyenji ri tsjaji k'a jñiñi neje k'a xoñijómĩ.

Nuk'ĩ k'a Plan Nacional de Desarrollo 2019-2024 juns'ĩ k'a na Capítulo II Política Social, k'ĩ nu b'épji ri nee ra ngins'iji ra mubi ne arkete nu Cuarta Transformación ngeje ri tsjapĩ ra kjaa d'aja jñiñi k'a ngaraji na joo, "pjons'ĩ ja sóo ri ngarajidya nrreze a nrrib'ĩ, nzi ri textrjoji neje k'a dyakjo ri xónkiji" k'o ri jmama "ri b'ĩri ri chontr'iji k'a dyapje tejmeji neje k'a ni xónkiji k'o kjaپی yo dyapje pés'ĩ".

Ne paa mo Nrrée ne Arkete ro tsjaa Ndarkete a Ts'ib'onrró ne 15 paa nu na nzincho zana nu kjée 2023, ne Xónpĩte Delfina Gómez Álvarez o tsjapĩ ra kjaa ne jnuu na sjuu yo tee a B'onrró k'a ri maa ri zis'i ne arkete ne Cuarta Transformación; neje k'a ri b'ób'ĩ na joo ma ri zis'i nu



Nigromante núm. 305. Col. La Merced, C.P. 50080, Toluca, Estado de México
Tel: (722) 213 58 94



“2025. Bicentenario de la vida municipal en el Estado de México”

arkete a B'onrró 2023-2029, k'a ri sjób'iji nuk'o kjaji na s'oo, nuk'o ni xónkiji, ni jnara, ni ngaraji na joo neje dya xi ri nda tsjaji na s'oo k'a ni dyenje ri b'épji nu jñiñi ngekua ri tsjapiji ri mimiji na joo.

K'i nu dyech'a ñ'anto paa nu nzincho zana nu kjée 2023, nu a Ts'ib'onrró o bmbiri nu arkete nu Cuarta Transformación 2023-2029 k'o sis'i nzakjadya nu arkete a B'onrró, k'i kjap'i ri zis'i na joo nu jñiñi nza ri nee yo tee, k'o kjap'i otr'i ri kjaa nu b'épji yo tee k'a jñiñi k'o dyapje tejme, pa sóo ri ngaraji na joo, ri chjétjoji neje ri dyotjoji.

Nuk'i nu Plan de Desarrollo del Estado de México (PDEM) 2023-2029 juns'i yo b'épji k'o otr'i ri tsjaji k'o “mama ri tsjap'i na d'adyo ri pépjiji, ri ngaraji neje yo tee a Ts'ib'onrró, k'a nzina tee me ts'ib'onrró ri mimi na joo, k'a dyapje ri xónkiji neje dyapje ri ndejmeji. Najmitjo ri kjaa nuk'a ri tsjob'iji k'o kjaji na s'oo neje arkete ri maa ri pépji ko nu jñiñi, nuk'a ri textrjoji ri mbés'i yo kjuanzakiji, xo ri chjétjoji pje ri mbés'iji neje nu jñiñi ri mimi na joo k'a dyapje ri tsjapiji na s'oo”.

Nuk'i ne Eje 4 Bienestar Social “Ri kjuatríji k'a dyapje ni ndejmeji neje ri jnuu yo jmurte k'o dyapje pés'i” nuk'a PDEM 2023-2029, k'a mama naja nu b'épji ri xokiji ngek'i yo tee k'a Jñiñi Teetjo ñatjo sóo ri ngich'iji a b'épji, ri mbepjits'éji, ri jichiji neje ri zéchiji yo ja ri xokiji b'épji k'a jñiñi.


Nuk'i ne Secretaría General nu Arkete a Ts'ib'inrró, ngejen nu ngunb'épji ni ñ'eje ra jyoki, ra jmuti, neje ri jñandí ja ri tsjaji b'épji tee k'a jñiñi, nzi xo ri chakua yo otr'i b'épji ri tsjajiji, ja ri tsjaji neje yo pés'iji ja ri na'taji yo jmimi yo tee dyapje tejme a Ts'ib'onrró, neje ri mimiji na joo angezeji.

Nuk'i nu B'épji ja ri Ngaraji na joo, nzi ra mama nu Xónpíte Delfina Gómez Álvarez, Ndarkete a Ts'ib'onrró, nee dya ri xónkiji, ri móji, ri pépjiji, ri ngaraji na joo neje ri mamaji ja ni pépjiji.

Nuk'a ni ts'ab'iji a ndee k'a B'épji ri Ngaraji na joo k'a Ndarkete a Ts'ib'onrró 2023-2029 ni tsjaa nzi ra kjaa nu Metodología Multidimensional de Medición de la Pobreza nzi ra mama nu Consejo Nacional de Evaluación de la Política de Desarrollo Social (CONEVAL) neje ko ni jmama ja ni nara yo tee k'a jñiñi, k'o tsjaa neje o pjons'i nu Instituto Nacional de Estadística y Geografía (INEGI), nu Consejo Nacional de Población, (CONAPO), neje nu Consejo Estatal de Población (COESPO), k'o xo ngeje yo dyaja ngunb'épji k'a jñiñi, k'a nzi ra kjaa yo b'épji ni ngaraji na joo yo tee, k'o ri tsjap'i ra tjori k'o dyapje ni ndejmeji neje ko nda ni kjaa a Ts'ib'onrró.

Nuk'o ri ba ngejmeji k'a Encuesta Nacional de Ingresos y Gastos de los Hogares (ENIGH 2022), pés'iji 17 322 817 tee a Ts'ib'onrró, angezeji 8 967 673 ngeje nrrinxu (51.8 %) neje 8 355 144 ngeje b'ézo (48.2 %).

Nuk'o nzi ba ngejmeji yo jmama k'a Cuestionario Ampliado del Censo de Población y Vivienda 2020 k'a INEGI, nu a Ts'ib'onrró kanri 2 553 429 tee k'o mamats'éji ni ngetrjoji teetjo ñatjo, ngejeji 1 319 903 nrrinxu (51.7 %) neje 1 233 526 (48.3 %) ni ngejeji b'ézo.





"2025. Bicentenario de la vida municipal en el Estado de México"

Nuk'i nu Arkete a Ts'ib'onrró 2023-2029 k'i sis'i nu Xónpīte Delfina Gómez Álvarez, k'i Ndarkete a Ts'ib'onrró mama nee ri kuarpī k'o pés'i yo tee k'a jñiñi, k'o ri tsjapī ra kjaa b'épji tee k'o ra mbós'i ri kjuatiji k'o dya ni chjétjoji k'o sóo yo tee mets'ib'onrró.

Nuk'i nu Consejo Estatal para el Desarrollo Integral de los Pueblos Indígenas del Estado de México, nee ri tsjaa ra pépji pa ri ngara na joo yo teetjo ñatjo, k'a ri pjóxteji yo tee k'a jñiñi, k'a ri nutp'iji na joo nu jmimiji neje yo b'ezheji, ngekua akjanu, o pjons'i nu "Programa de Desarrollo Social Indígena con Bienestar", k'a sóo ri tsjapī ra kjaa yo b'épji k'a ri na'ta ra pépjits'éji yo teetjo ñatjo k'o pés'i dyech'a jñincho kjée k'o kanra a Ts'ib'onrró, k'a ri uniji b'ós'i, tr'ézi, neje k'o ni pépji k'o dya tjori.

Nuk'i nu Programa "Desarrollo Indígena con Bienestar" ri mótjoji ko yo dyaja ODS: 1. Fin de Pobreza, 8. Trabajo Decente y Crecimiento Económico, nekje 10. Reducción de las Desigualdades; ñeje kjapī ri ngins'iji k'a Agenda 2030: 1, 2; 10.1; 10.2; neje 10.3.

Nuk'o nzi ra mama k'o juns'i k'a Jmama 26 nu Reglamento k'a nu Ley de Desarrollo Social del Estado de México, k'a sóo ri ngich'iji k'a yo Programas Sociales, ri kjaa nzi ra mama yo Reglas de Operación neje k'a Presupuesrto de Egresos, k'o ra mama yo b'ós'i ri uniji nzi ra kjaa meryo k'o unī sjétsi sóo ri s'od'iji k'a kjée.

Nzi bo ngeje nu na otr'i paa nu na yencho zana nu kjée 2024 o pjons'iji nu Acuerdo nu Vocal Ejecutivo k'a Consejo Estatal para el Desarrollo Integral de los Pueblos Indígenas del Estado de México, ngekua ba pjons'iji yo Reglas de Operación nu Programa de Desarrollo Social ni chjuu "Desarrollo Indígena con Bienestar", nuk'a Periodico Oficial "Gaceta del Gobierno".

Nuk'a nu Primera Sesión Ordinaria k'a Junta de Gobierno nu CEDIPIEM, k'o kjaa mo dyote ñ'anto paa nu yeje zana nu kjée 2025, nuk'a nu Acuerdo ni b'ezhe CED/JG//ORD/1-2025/011, o pjons'iji mo mbas'i na punkji yo dyéji, k'o póriji yo Reglas de Operación nu Programa de Desarrollo Social ni chjuu "Desarrollo Indígena con Bienestar".

Nu na Primera Sesión Extraordinaria nu Comisión de Admisión y Seguimiento, mo dyote ñ'anto paa nu na yeje zana nu kjédya 2025, nuk'a Acuerdo b'ezhe CAYs/DIB/SEO-1/2024)02 o ngejme mamaji o mbas'i yo dyéji trexe yo tee k'o ngaraji ro pótriiji yo Reglas de Operación nu Programa de Desarrollo Social "Desarrollo Indígena con Bienestar".

Nuk'i ne xiskuama b'ezhe 22900014000200S/0040/2025 nu dyote nziyojo paa nu yeje zana nu kjée 2025, nu Coordinación Jurídica, ne Igualdad de Género ñeje Erradicación de la Violencia o unī sjétsi ro potriiji yo Reglas de Operación.

Nuk'i xiskuama b'ezhe 22904A000000000/0240/2025 mo dyote tsich'a paa nu na yeje zana nu kjée 2025, nu Subsecretaría de Planeación de Bienestar Social nzira mama k'a Jmama dyech'a d'aja ni ts'ab'i IV k'a Reglamento Interior k'a Secretaría de Binestar del Gobierno del estado de México ñeje k'a Apartado VII. Objetivos y Funciones por la Unidad Administrativa del Manual General de Organización k'a Secretaría de Bienestra k'a o unī sjétsi o pótriiji yo





“2025. Bicentenario de la vida municipal en el Estado de México”

Reglas de Operación.

Nu paa dyote yencho nu na yeje zana nu kjédya 2025, o jmama ngekua ro pjons’iji yo Reglas de Operación.

Nzi ra ngeje k’o jmama akjanu, pjons’iji:

O NGEJME AKJABA NE PÄRPÄ ARKETE K’İ SIS’İ NU CONSEJO ESTATAL PARA EL DESARROLLO INTEGRAL DE LOS PUEBLOS INSÍGENAS DEL ESTADO DE MÉXICO, K’A XO NI PJONS’İJI YO REGLAS DE OPERACIÓN NU PROGRAMA DE DESARROLLO SOCIAL NI CHJUU “DESARROLLO INDÍGENA CON BIENESTAR”:

YO JA RI TSJAJI NU PROGRAMA DE DESARROLLO SOCIAL NI CHJUU “DESARROLLO INDÍGENA CON BIENESTAR”

1. Nuk’o nda ni jmama

1.1. Ja ri tsjaji ne b’épji

Nu Programa de Desarrollo Social ni chjuu “Desarrollo Indígena con Bienestar”, nee ra tsjaa ri na’ta yo b’épji pa sóo ri tsjaji ra kjaa ri pépjits’éji yo teetjo ñatjo kja ngins’i dyech’a jñincho kjée k’o kanri a Ts’ib’onrró, k’o sóo ri uniji b’ós’i, tr’ézi neje k’o sóo pje ri tsjapiji k’o dya ni tjori.

2. Yo Kjuanzakí k’o nuu

Ne B’épji neje nu dya ri xónkiji.

3. Jmurí jña

Pa sóo ri tsjaji yo Reglas de Operación, sóo ri m’arí akjanu:

Xiskuama ri ch’uní-d’éé yo b’ós’i: ngeje nu sóo ja ri tsjaji, na mubi ne arkete, k’o uní sjétsi ne Ngunb’e’pji ni Dyenje ra Tsjaa, k’o mama ja ri chómiji neje ri ch’uní b’épji, paa ma ri nguarí, ja ri s’od’iji o uniji sjétsi, ja nzii meryo o s’od’iji neje ja ba tsjaji nu b’épji.

B’ós’i: ngeje k’o ch’uniji, tr’ézi, neje k’o dya tjori k’o uniji yo tee ni ñ’eje ra b’os’i k’a Programa de Desarrollo Social ni chjuu “Desarrollo Indígena con Bienestar”, pa sóo ri tsjaji yo b’épji.

Ni ngaraji na joo: ngeje “yo kjaa pa ja sóo ri ngaraji ne “na joo zakí k’o uniji pa na joo ri mimiji” ñeje “ja ni ngeje b’ib’i nu tee k’a sóo ri tsjapiji ri zante na joo nu ngero ñeje nu pjeñe”; ngek’ua akjanu, jmama ri Jmimi na joo ma ri mbés’iji ts’ike.

CEDIPIEM: Ngeje nu ngunb’épji ni chjuu Consejo Estatal para el Desarrollo Integral de los Pueblos Indígenas del Estado de México.

Xiskuama ja ri tsjaji (Cédula de seguimiento): Ngeje nu xiskuama arkete ni m’arí k’o uní sjétsi nu Comité, ngekua sóo ri jnuu ja ni ch’ómí yo tr’ézi neje k’o sóo ja ri pépjiji k’o dya nda mezhe nda ri sód’itjo.





“2025. Bicentenario de la vida municipal en el Estado de México”

CIEPS: Ngeje nu ngunb'épji ni chjuu Consejo de Investigación y Evaluación de la Política Social.

Jmurte (Comité): Ngeje nu ngunb'épji ni chjuu Comité de Adquisición y Seguimiento del Programa de Desarrollo Social “Desarrollo Indígena con Bienestar”.

Ts'ejme ja ri tsjaji (Convenio de ejecución): Ngeje nu b'épji arkete ni mizhi, k'o xaxi nu Ngunb'épji ni Ñ'eje ra Tsjaa ñeje Yo Tee ni Ñ'eje ra B'ós'i k'o mama k'o ni ngejmeji ra tsjaji yo b'épji pje nde pjongiji, nu ts'ejme k'a kuat'i k'o xaxiji, k'a meya yo kjuanzakí ñeje k'o ni ñ'eje ra tsjaa yo Tee k'o B'ós'i, nzi xo ni ngeje k'o jmama k'o pés'iji, ñeje ja ni mubi nu b'épji.

M'arí ja sóo ri tsjaji (Diagnóstico de viabilidad): neje nu b'épji arkete ni mizhi, ni uní sjétsi nu Ngunb'épji ni Ñ'eje ra Tsjaa, k'i ni ñ'eje ra mbarí ja ri joo neje ri pjongiji b'épji k'o ni mama nu xiskuama k'o uní Nu Órte, neje ri jmama ja ni jmama ni nu ri pjongiji nu b'épji, nza ni kjaa nu xiskuama k'o dyóniji ja ni ngeje ñeje ja ni mubi pa sóo ri tsjaji nu b'épji.

Najmitrjo Xiskuama ni Mimiji na Joo (Formato Único de Bienestar): ngeje nu b'épji arkete ni mizhi, k'o uní sjétsi nu Comité, k'a ni tjuns'i k'o uní Órte, ja ni mimi, pje k'o ni pépji, ja xo nde ni kjaa, k'o jmama na kjuana, ni nzhóó k'o pés'i yo tee, ne tjuu neje nu xaxi, pjeko nde ni kjaa.

Ngunb'épji ni Dyenje ra Tsjaa (Instancia Ejecutora): Ngeje ni ngunb'épji ni chjuu Subdirección Operativa k'a CEDIPIEM.

Ngunb'épji kjuanzakí (Instancia Normativa): Ngeje nu Comité de Admisión nu Programa de Desarrollo Social “Desarrollo Indígena con Bienestar”.

Kjuanzakí (Ley): Ngeje nu Ley de Desarrollo Social del Estado de México.

Xiskuama ni d'eb'e (Lista de espera): Ngeje ne xiskuama k'a juns'i yo tjuu yo Tee Órte k'o uní texe nzi ra mama k'a Yo Reglas de Operación nu Programa de Desarrollo Social ni chjuu “Desarrollo Indígena con Bienestar”, dya sóo ri b'ós'i nu paa k'i, po ya ni ngins'í k'o t'óri nza ra kjaa meryo nu kjéé.

Xiskuama k'a Juns'i yo Trjuu yo Tee ni B'ós'i (Padrón de Personas Beneficiarias): Ngeje xiskuama arkete k'a juns'i o tjuu yo tee k'o ya t'uní b'ós'i k'o uní nu Programa de Desarrollo Social “Desarrollo Indígena con Bienestar”.

Tree ni B'ós'i (Persona Beneficiaria): ngeje nu teetjo ñatjo k'o ya ngins'í dyech'a jñincho kjéé, k'o pjos'i nu Programa de Desarrollo Social “Desarrollo Indígena con Bienestar”.

Teetrjo Ñatrjo Jñatrjo (Persona Indígena): ngeje nu teetjo ñatjo mejñiñi k'a nu b'édyi, nu jmimi neje yo jmimi k'a jñiñi k'a menzumiji neje k'o s'okuí ndeze mi jingua.

Órte (Persona Solicitante): ngeje nu teetjo ñatjo k'o ya ngins'í dyech'a jñincho kjéé k'o juns'i





"2025. Bicentenario de la vida municipal en el Estado de México"

o tjuu, ma ngeje ri tjaní neje ri uní sjétsi nu Ngunb'épji ni Ñ'eje ra Tsjaa, trjéé yo b'ós'i k'a Programa de Desarrollo Social "Desarrollo Indígena con Bienestar".

B'épji (Programa): ngeje nu b'epji ni chjuu Programa de Desarrollo Social "Desarrollo Indígena con Bienestar".

B'é'ji ni Nata yo Tree k'a Jñiñli (Programa de Desarrollo Social): ngeje b'épji arkete k'o ni ñ'eje ra tsjaa ri póri ja ni ñ'eje ni ngara yo tee, k'a ri uníji b'ós'i, k'o ri tjokí nzi ra jmama k'a yo Reglas de Operación.

B'épji ni tsjaji (Proyecto productivo): nege yo b'épji ri tsjaji neje ja ni pépjits'éji k'o nee ri tsjaa yo tee ni b'ós'i, k'a tsjapí ra mbara ja ri jyokí k'o kjaa neje ni jmimi, pa sóó ri nara k'a ja ni mimiji.

Reglas: ngeje yo Reglas de Operación nu Programa de Desarrollo Social ni chjuu "Desarrollo Indígena con Bienestar".

Xiskuama k'a ni ch'uni nu b'ós'i (Recibo de suministro del apoyo): ngeje nu b'épji arkete ni mizhi, k'o uní sjétsi nu Ngunb'éphi ni Ñ'eje ra Tsjaa, k'a juns'i k'o sóó ri t'uní k'o óriji neje mama k'o uníji, k'a ni jñií o mib'i nu Tee Órte.

4. Nuko ni mama ra tsjai (Objetivos)

4.1 Nu textrjo (General)

Ngeje nda ri tsjaji yo Proyectos Productivos ngekua rin pépjits'éji yo Teetjo Ñatjo k'o kins'i dyech'a jñincho kjéé k'o kanra a Ts'ib'onrró; k'o pjéko ni uníji, trézi neje pjek'o ni pépjiji.

5. Jmurte ni Jnuu (Universo de Atención)

5.1 Tree ni jnuu (Población universo)

Yo Teetjo Ñatjo k'o kanra a Ts'ib'onrró.

5.2. Tree sóó ri jnuu (Población potencial)

Yo Teetjo Ñatjo k'o kanra a Ts'ib'onrró k'o ya ngins'i dyech'e jñincho kjéé k'o dyapje ni mbés'i.

5.3. Tree ra jnuu (Población objetivo)

Yo Teetjo Ñatjo k'o kanra a Ts'ib'onrró k'o ya ngins'i dyech'a jñincho kjéé k'o dyapje tejme neje pés'iji naja B'épji ri pjongiji.

6. Tree jnuu (Cobertura)

Ne B'épji sóó ra nuu yo 125 jñiñi, mbe ngextjo k'a kanri yo teetjo ñatjo, nzi ra mama nu Ley de Derechos y Cultura Indígena del Estado de México, nzi xo ri kjaa meryo, k'a ri jnuu yo te k'o ra b'ós'i neje nzi ra jñus'i k'a yo Jmama 6 neje 12 k'a Ley de Desarrollo Social del Estado de México.

7. B'Óós'i (Apoyo)





"2025. Bicentenario de la vida municipal en el Estado de México"

7.1 Pjek'o ni b'ós'i (Tipo de apoyo)

7.1.1 B'Os'i ni ch'untrjo (En especie)

Yo kjaa, tr'ézi neje textjo k'o dya sóo ri tjoři, pa sóo ri tsjaji yo Proyectos Productivos, nzi ra kjaa meryo k'o uniji sjétsi ri kjaa nu B'épji.

7.2 Ja nzii ni b'ós'i (Monto del apoyo)

Ne Arkete a Ts'ib'onrró ra unī nu meryo, k'a nu CEDIPIEM ta ra zas'a \$ 90 000.00 (Noventa mil pesos 00/100 M.N.) k'a najmitjo ri unī, k'o kjaa, tr'ézi neje textjo k'o kjaa k'o dya ri trjoři, pa sóo ri pjongiji b'épji, nzi ra kjaa nu meryo, k'o uniji sjétsi.

Yo b'ós'i ngeje textjo ri untrjoji akjanu nu Arkete a Ts'ib'onrró, k'a nu CEDIPIEM neje dya pje ri jñusp'itjoji yo tee k'o pjós'iji.

7.3 Ja ni dyenje yo chopji (Origen de los recursos)

Ne meryo k'o ri uniji ne B'épji, ngeje, textjo, ri ñ'eje k'a arkete a Ts'ib'onrró. Nu ch'opji k'o ngeje sóo ri ts'ontr'i k'o ra mubi yo b'ós'i k'o ra uniji yo Tee k'o ri B'ós'i, najmitjo k'o ngeje unī sjétsi nu Secretaría de Finanzas neje ri nzhópji angeze, nzi ra mama nu Ngunb'épji ni Ñ'eje ra Tsjaa.

8. Ja ni tsjaji (Mecanismos de operación)

8.1 Yo Tree B'ós'i (Personas Beneficiarias)

8.1.1 Nuk'o tr'ótr'i neje ja ni juajnaji (Requisitos y criterios de selección)

8.1.1.1 Ja ni juajnaji (Criterios de selección)

a) Ri ngeje meb'onrró k'a ba mimi o mi ñ'eje n'año jñiñi k'a ya tsjaa mejñiñi;

b) Ri mimi a Ts'ib'onrró;

c) Mamitjots'éjé ngeje teetjo ñatjo neje mimi k'a jñiñi kanri yo teetjo ñatjo, nzi ra mama k'a Ley de Derechos y Cultura Indígena del Estado de México;

d) Ri mbés'i dyech'a jñincho kjéé o ya kjobi;

e) Ri nzhóo ri mbat'a naja B'épji pjek'o Pjóns'i; neje

f) Yo dyaja k'o nzi ra mama nu Ngunb'épji Kjuanzakí.

8.1.1.2 Nuk'o ri ch'uniji

Yo órte sóo ri tsjaji yo ja ri juajnaji neje ri unī yo dyaja xiskuama:

a) Nu xiskuama neje ri xakaji nu Xiskuama mo Mlmiji;

b) Nu Clave Única de Registro de Población (CURP);

c) Xiskuanma neje ri xaka k'a juns'i ngeje angeze k'a kuar'i nu jmicha, nu CURP neje nu ngumí jara a Ts'ib'onrró; ma dya ri mbés'i nu CURP ñeje ja ni mimi, sóo ri unī, ma ri ngeje akjanu, k'a xaka nu CURP neje xiskuama k'a juns'i ja ni mimi (kjóntr'i sibi, jñajesibi, nrreje, kjóntr'i juajma, kable, k'o xo ni kjaa), ma dya nda ni maa ñ'anto zana, o xiskuama k'a mimi k'o pjóns'i arkete k'o ni dyenje ra tsjaa ma dya nda ri maa na jñii paa;

d) Nu Formato Único de Bienestar k'a nichí k'o nrr'i;

e) Xiskuama k'a órts'éjé ri b'ós'i ra tsjaa nu b'épji ni chjuu Proyecto Productivo, k'a ri jñuns'i nu tr'ézi k'o mamam ra nrrómipa ri pépjits'éjé; ñeje

f) Yo dyaja k'o ri mama nu Ngub'épji Kjuanzakí.

Nuk'o ch'uniji nats'éjé k'o jñusp'iji yo Órte neje yo Tee ni B'ós'i ri nuji nzi ra mama nu Ley de Protección de Datos Personales en Posesión de Sujetos Obligados del Estado de México y





"2025. Bicentenario de la vida municipal en el Estado de México"

Municipios, ñeje yo dyaja kjuanzakī k'ī ni dyenje ra tsjaji.

8.1.2. Ja kjaa k'o ri sóó ra tsjaji

Sóó ri jnuu yo órte k'o kjaa nzi ra kjabá k'ó:

- a) Ri zóóji k'o ngijeme dya xi ri nrris'iji;
- b) Ri nzhoji k'ī sóji k'o sóó nda ri pépjiji;
- c) Ri ngeje o Tsjapīji na s'oo o ni ngeje tsjapīji na s'oo;
- d) Ngeje yo ri Nzhokīji k'a n'año jñiñi; yo
- e) Yo dyaja k'o nzi ra mama nu Ngunb'épji Kjuanzakī.

Yo Órte k'o ni ngeje k'o naja k'o ya jmama nzi ra mama k'a a), b), c) neje d) sóó ri unī nu xiskuama k'o pjóns'ī d'aja ngunb'épji arkete k'ī ni mama ngeje akjanu.

8.1.3 Ja nde ri Dyis'iji

8.1.3.1 Ngumī k'a sóó ri dyis'iji

Yo Órte k'o nee ra ngich'iji k'a B'épji na ri tsjaa ri uniṭs'éji, nu ngumī k'a ni dyis'iji, k'ī jara k'a ngunb'épji CEDIPIEM, ma pama pama ri mbatr'a k'o ri unī nzi ra mama k'a S'ojnī na.

Ma ya mama akjanu nu CEDIPIEM o nuu ba dyis'iji, ri dyisp'ī k'o unī nu Órte neje, ma ngeje ri tsjokī nu Ngunb'épji Kjuanzakī, ri pjons'iji nu b'ezhe xiskuama nzi ba kjaa.

Ma ri mbatr'a xiskuama dyapje ri tsóntr'ī neje ri pjons'iji nu b'ezhe xiskuama na.

8.1.4 Yo xiskuama:

- a) Formato de Solicitud de Apoyo;
- b) Formato Único de Bienestar;
- c) Diagnóstico de Viabilidad;
- d) Xiskuama ka mama unīji nu b'ós'ī;
- e) Convenio de ejecución;
- f) Xiskuama k'a mama yo ch'unī b'ós'ī;
- g) Cédula nu ja ni maa nu b'épji; ñeje
- h) Yo dyaja k'o nzi ra mama nu Ngunb'épji Kjuanzakī.

8.1.5 Ni dyis'iji nu Padrón de Personas Beneficiarias

Nu Ngunb'épji ni Dyenje ra Tsjaa ri jmurī neje yepe ri jyokī nu Padrón de Personas Beneficiarias nzi ra mama k'a Jmama 92 ni ts'ab'ī XIV, ni ngeje p) k'a nu Ley de Transparencia y Acceso a la Información Pública del Estado de México y Municipios, ñeje yo Lineamientos y Criterios para la Integración y Actualización de los Padrones de las Personas Beneficiarias de los Programas y/o Acciones de Desarrollo Social del Gobierno del Estado de México xi padya, nzi ra kjaa ri mama akjanu yo dyaja kjuanzakī.

8.1.6 Yo Kjuanzakī yo Tee ni B'ós'ī

- a) Na joo nrrametrjo ri sjipji jmama;
- b) Na joo ri jnuu na joo, ri chjétroji neje nzi ra mama nu kjuanzakī k'a dya ri jnuu na s'oo;
- c) Ri nrréts'éjé ñeje dyakjo ri nrrénpīji a nrrée ma ri unīji nu b'ós'ī k'o unī nu B'épji;
- d) Ri jnuu na joo neje ri b'ós'ī pa sóó ri tsjaa nzi ra ngeje nu B'épji k'a dyakjo ri ts'óntr'ī neje dya xo ri tr'ótrī;





"2025. Bicentenario de la vida municipal en el Estado de México"

- e) Ri kjuatr'i neje ri ngejets'éjé nu jmama; neje
- f) Yo dyaja k'o nzi ra mama nu Ngunb'épji Kjuanzakĩ.

8.1.7 Nuk'o ni Dyenje ra tsjaa yo Tee ni B'ós'i

- a) Ra unĩ k'o ri mama na kjuana, nu jmama k'ó otriji nzi ra mama k'a yo Reglas;
- b) Ri jnuu na joo nzi ri chjétrjoji neje nzi ra mama kjuanzakĩ k'a dya ri nuji na s'oo;
- c) Ri nrréts'éjé nu b'ós'i k'a B'épji k'a dyakjo ri bíb'i a nrréé;
- d) Ri jnuu neje ri b'ós'i pa ri tsjaa pje nrre ma b'épji k'a ni dyenje nu B'épji k'a dya ri ngóntri o dyapje ri tr'ótri;
- e) Ri kjuarpĩ neje dyakjo ri xipjiji k'o mama nats'éjé;
- e) Yo dyaja k'o nzi ra mama nu Ngunb'épji Kjuanzakĩ.

8.1.7 Nuk'a ni Dyenje ra Tsjaa yo Tee ni B'ós'i

- a) Ri mama k'i na kjuana, nu jmama k'o ótriji nzi ra jñus'i k'a yo Reglas;
- b) Ri tsjaa nuk'o dyótriji ñeje ri tsjapĩ ri jyokiji na joo k'o b'ézhi ma ra zojniji;
- c) Ri maa nrréé yo b'ós'i ma ra zojniji;
- d) Nrrame ri nzhóó ma ri pórĩ ja je ni mimi o ma dya ri maa;
- e) Ri mama kjo ngeje tee k'i ya b'ós'i k'a d'aja Programa de Desarrollo Social a B'onrró, a Ts'ib'onrró o k'a Municipio, k'a b'ós'i k'a dyaja Programa de Desarrollo Social a B'onrró, a Ts'ib'onrró neje k'a Municipio, k'a trjeje b'ós'i k'o ni chjuu

Proyectos Productivos;

- f) Ri nrrééts'éjé yo b'ós'i neje ri xaxĩ yo xiskuama k'o ri ch'unĩ;
- g) Ri tsjapĩ yo b'ós'i nzi ni uniji;
- h) Ri tsjaa ri unĩ yo jmama na kjuana k'a nu Ngunb'épji Kjuanzakĩ neje k'a Ngunb'épji ni Dyenje ra Tsjaa, pa ri nuu kjo na joo k'o uniji, tr'ézi o trexe k'o nee k'o dya mezhe ni kjaa k'o; ñeje
- i) Yo dyaja k'o nzi ra mama un Ngunb'épji Kjuanzakĩ.

8. 1. 8 Pje dya ni tsjaa na joo yo Tee ni B'ós'i

- a) Dya ri tsjaa k'o dyaja ni dyenje ra tsjaa nzi ra mama k'a b'ézhe 8.1.7 k'a yo Reglas;
- b) Dya ri mats'éjé ra maa nrréé yo b'ós'i k'a nu paa ñeje k'a ja je ngeje nzi ra mama nu Ngunb'épji na, ma dya ni nzhóó;
- c) Ri tsjaa n'año b'épji k'a ri mbós'iji k'a b'épji na, k'a d'aja tee k'i nee ri ñ'ens'e yo tee k'a jñiñi k'a nzi naja partido político k'o ri móji o ri mats'ésjé;
- a) Yo dyaja k'o nzi ra mama nu Ngunb'épji Kjuanzakĩ.

8. 1. 9 Ja ri zīb'iji yo Tee ni B'ós'i

8. 1. 9. 1 Ma ri dyagiji k'a B'épji

- a) Ri unĩ jmama jñimeryo dya kjuana pa ri ngich'i k'a B'épji;
- b) Ri pótri o ri sód'i yo xiskuama yo Tee ni B'ós'i;
- c) Ri pótri ja ni mimi k'a n'año jñiñi a Ts'ib'onrró;
- d) Ri dyagits'éjé k'a B'épji;





"2025. Bicentenario de la vida municipal en el Estado de México"

- e) Ri nrruu nu Tee ni B'ós'i;
- f) Dya ri tsjaa ko d'aja b'épji ri jmama ja nrrée nu b'ós'i;
- g) N'año ri tsjapī yo b'ós'i k'o unīji;
- h) Ri mbóó, ri pótri, o ri unī yo b'ós'i k'o unīji;
- i) Ri tsjapī ri mbós'i tee ko yo b'ós'i nu b'épji na d'aja tee k'i nee ri ñ'ens'éji k'a jñiñi, k'a d'aja partido político ni móji o ni mats'éjé;
- j) Ri nzhóó ngeje nu Tee ni B'ós'i k'a d'aja b'épji k'a Programa de Desarrollo Social a B'onrró, a Ts'ib'onrró neje Municipio, k'a ni nrrée b'ós'i ni chjuu Proyectos Productivos; neje
- k) Yo dyaja nzi ni mama nu Ngunb'épji Kjuanzakī.
Un Ngunb'épji Kjuanzakī ra ngeje ni dyenje ra tsjaa ri unī sjétsi ri dyagī yo Tee ni B'ós'i k'a B'épji na.

8.1.10 Ja ni pjos'iji k'a b'épji yo Tee ni B'ós'i

- a) Ri pjos'i k'a yo b'épji, k'a jñakja neje k'a ri tjizhi ma ri sojnaji;
- b) Ri pjóxte k'a b'épji k'o kjaji k'a jñiñi ma ra s'ojnī; neje
- c) Yo dyaja k'o ri mama un Ngunb'épji Kjuanzakī.

8.2 Nrrre ts'iké ri nuji yo Tee ni B'ós'i

Un nrrre ts'ké ri jnuu un ri b'ós'i k'a ngextrjo ri nrrre najmitrjo un b'ós'i, najmitrjo k'i ri pjons'i un CEDIPIEM, nzi ba ch'unī k'o dyórji neje ri pjóxteji mk'a b'épji k'a jñiñi nzi kjaa k'o juns'i un b'ezhe 8.1.10.

9. Yo ngunb'épji ni pjóxteji

9.1. Ngunb'épji Kjuanzakī

Ngeje nu Comité de Admisión y Seguimiento k'i ni dyenje ra tsjaa ri jyokī ri maa na joo nu B'épji neje ri nuu ri mbarī yo Reglas .

9.2. Ngunb'épji ni Dyenje ra Tsjaa

Ngeje nu Subdirección Operativa nu CEDIPIEM k'i ni dyenje ra tsjaa nu B'épji.

9.3 Nu Comité de Admisión y Seguimiento

9.3.1 Ri Jmutrīji

K'a nu Comité ni ngaaji kjaba:

- a) Presidencia, ngeje ni dyenje ra tsjaa nu zoya k'i zis'i nu Secretaría de Bienestar;
- b) Secretaría, ngeje nu tee k'i parpa nu Vocalía Ejecutiva nu CEDIPIEM;
- c) Yeje Mbóxte, k'o ngeje:
 - 1. D'aja tee k'i parpa nu Secretaría de Desarrollo Económico;
 - 2. D'aja tee k'i parpa nu Secretaría del Campo;
- d) D'aja tee k'i parpa nu Coordinación Administrativa k'a Secretaría de Bienestar;
- e) D'aja tee k'i parpa nu Secretaría de la Contraloría, nzi ra ngeje nu zoya k'i sis'i nu Órgano Interno de Control k'a CEDIPIEM;
- f) D'aja tee k'i parpa nu Unidad de Apoyo Administrativo k'a CEDIPIEM; ñeje
- g) D'aja tee k'i parpa yo tee k'a jñiñi o ngunb'épji ndasjóri.





"2025. Bicentenario de la vida municipal en el Estado de México"

Ri zojniji jñii tee k'o jyasm'a ri ngaraji nu nzi ra mama nu Presidencia, k'o ra ngeje:

1. D'aja tee ri mbarpa nu Subdirección Operativa nu CEDIPIEM; neje

2. Yeje tee k'o ri mbarpa yo Jñiñi Teetrjo Ñatrjo ni Menziji a Ts'ib'onrró.

Nzina tee ni ngaa k'a Comité ra sóo ri jñuns'iji d'aja tee k'o ri pjóxte. Nu b'épji k'i dya ri ts'óntr'i. Trexe yo tee k'o ni ngaa k'a Comité sóo ri ñaa neje ri mbas'i yo dyéji, neje dya ri ngeje nu zoya k'i sis'i nu Órgano Interno de Control k'a CEDIPIEM, k'i ngextrjo ri sóo ri ñaa.

Nuk'o ri tsjaji ri ngejmeji k'a Comité ri na punkji ri mbas'i yo dyéji, ma ri chjétrjoji, nn Presidencia ngeje k'i ra mama kjo je o nrrónjó.

9.3. 2 Ma ri jmuriji nu Comité

Nu Comité ri jmuriji nzina jñii zana neje ma dya ni kjanu ma ra neeji.

Nu Secretaría nu Comité ri pjons'i nu S'ojni nzi ba mama nu Presidencia k'a otr'i ni jñii paa, ma jiyo 24 nrrame ma ri jmuriji.

Ma otr'i ri uní sjétsi nu Comité, sóo ri zojni yo tee k'a jñiñi, ndasjóri o jmurte jñiñi, k'o ri mama na ngeje ni mubi, o yo dyaja k'o ri xipiji ni ngeje akajnu

Pa sóo ri mubi yo jmurí sóo ri ngaraji nu Presidencia, nu Secretaría neje zoya k'i sis'i nu Órgano Interno de Control k'a CEDIPIEM, o ri ngara na joo yo parpa tee.

Nu Secretaría k'a Comité ra xos'i xiskuama k'o jmuriji, ri jñus'i nzina yo ni ts'ejmeji neje, ma otr'i ri uní sjétsi, k'a ri xaxi yo tee k'o kaa k'a Comité.

9.3.3 Nuk'o ni dyenje ra tsjaji

Ri ngeje ni dyenje ra tsjaa nu Comité:

a) Ri uní sjétsi nu xiskuama ni d'eb'e neje nu Padrón de Personas Beneficiarias k'a nu B'épji;

b) Ri uní sjétsi yo na joo tr'óri, k'o mbatr'aji k'a Ngunb'épji ni Dyenje ra Tsjaa pa ri ngich'iji k'a B'épji na;

c) Ri uní sjétsi ri ngich'iji k'a B'épji k'o najmitrjo, ni m'arí akjanu ma yo Órte dya ri uníji dyaja tr'óri k'a nu B'épji mbe neeji ri b'ós'iji k'o ri uníji pa sóo ri d'akíji ma juejmeji;

d) Ri uní sjétsi ra dyagí yo Tee ni B'ós'i k'a B'épji;

e) Ri jyod'iji pje ri tsjaji ngekua ri pépji nu B'épji pa ri ngins'iji k'o neeji;

f) Ri ñ'ens'ejí nu tee k'i ri mbarpa yo tee k'a jñiñi o ngunsjóri, xo ri kjanu yo tee k'o uni mbarpa yo Jñiñi yo Teetrjo Ñatrjo k'o xo ni ngaa k'a Comité;

g) Ri pjons'iji neje ri pótriji yo ja ri tsjaji a mboo;

h) Ri jmuriji neje ngejemji ri mbas'i yo dyéji yo tee, ngekua k'o ni ngejmeji k'o pjons'iji, ri jopí yo na jñii tee, nzi ri kjaa neje ri pótriji o k'o dya juns'i k'a yo Reglas;

i) Ri ngejmeji ri tsjaji b'ótrí k'o dya mjuns'i k'a yo Reglas; pa sóo ri tsjaji na jo nu B'épji k'a ri jopí yo Tee ni B'ós'i;

j) Ri uní sjétsi k'o ri s'od'iji k'a B'épji nzi ra kjaa meryo k'o uní sjétsi nu Secretará de Finanzas pa ri tsjaji nu b'épji nzi ra mama yo kjuanzakí akjanu;

k) Yo dyaja k'o ri mama nu Comité.

10. Ja ri tsjaji

10.1 Ma ri tsjaji nu b'épji

a) Nu CEDIPIEM ri pjons'i nu S'ojni k'a B'épji, ma pama pama ri kjaa na punkji meryo k'o ri





"2025. Bicentenario de la vida municipal en el Estado de México"

s'od'i k'a nu kjée;

b) Ma ya pjons'iji nu S'ojnate, yo tee k'o sóo o juananji sóo ri dyórits'éjéji k'a ngunb'épji nu CEDIPIEM, nu paa neje nu nrrame k'anzi ba mamaji (k'o mama nu Ngunb'épji Kjuanzakí); ri uníji neje ri xaskaji nu xiskuama nzi na jñus'i ka junsí yo Reglas neje ri uníji naja b'ezhe k'o jñusp'iji;

c) Nu ngunb'épji ne Dyenje ra Tsjaa ri nrrée yo tr'óri neje yo xiskuama nuk'a ngunb'épji k'ani nrréji neje ri xos'i d'aja xskuama k'i ni xokíji neje ni tsotr'i;

d) Nu Ngunb'épji mni Dyenje ra Tsjaa ri dyisp'i yo Órte, nzi ra ri juajnaji neje ri nuji na joo neje ri uní k'a Ngunb'épji Kjuanzakí;

e) Nu Ngunb'épji Kjuanzakí yepe ri nuu k'a juns'i yom trjuu yo Órte, ri uní sjétsi ri ngich'iji k'a B'épji neje ri tsjaji ri dyisp'i yo trjuu yo Tee ni B'ós'i pa ra chjétrjoji k'a trexe yo xiskuama nu Ngunb'épji ni Dyenje ra Tsjaa;

f) Nu Ngunb'épji ni Dyenje ra Tsjaa ra chjétrjoji xiskuama k'a juns'i yo trjuu yo Tee ni B'ós'i k'a yo xiskuamaji neje ri nzhóji k'a Ngunb'épji Kjuanzakí ja ni dyenje ri nuji n ajo neje ri ngextrjo ri trextrjoji.

g) Nu ngunb'épji Kjuanzakí ri uní sjétsi nu xiskuama k'a juns'i yo trjuu yo Tee ni B'ós'i pa sóo ri ngich'iji k'a B'épji;

h) Nu Ngunb'épji ni Dyenje ra Tsjaa ri jmutí yo Trjuu yo Tee k'o B'ós'i k'a B'épji ngekua ri uní sjétsi nu Ngunb'épji Kjuanzakí;

i) Nu Ngunb'épji ni Dyenje ra Tsjaa ri xipji yo Órte ya sējēji nzakja Tee ni B'ós'i k'a B'épji;

j) Nu Ngunb'Oépiji ni Dyenje ra Tsjaa ra xipji nu Ngunb'épji Kjuanzakí, yo paa jangua ri unij yo mb'ósí yo Tee ni

B'ós'i;

k) Nu Ngunb'épji ni Dyenje ra Tsjaa ra xipji yo Tee ni B'ós'i pje ma paa ñeje ja ngekua ri nrréji yo b'ósí k'a

B'épji, k'a dya ri mezhe dyech'a tsich'a paa ma ri pépjitjoji;

l) Yo b'ós'i yo Tee ni B'ós'i k'a b'épji na ri uníji k'a je mama nu Ngunb'épji Kjuanzakí ma otr'i ri jizhiji nu

xiskuama k'a juns'i yo trjuuji k'a kuatr'i nu jmicha neje k'a ni mimi a Ts'ib'onrró;

m) Ma bób'iji yo ch'uní b'ós'i ma ra kjaa jmurí político-electoral o pje k'o ri kjaa k'a sóo ri tsjapíji na s'oo yo Tee ni B'ós'i o ma ri tsjaji nu B'épji;

n) Ma ya chúníji yo b'ós'i ri xaxíji yo xiskuama k'a ya nrréji nu b'ós'i, nu xiskuama ni ch'uníji-d'éé ma ra ngeje ngejmeji nzi a kjogí na dyech'a tsich'a paa ri tsjaji akjanu;

o) Nu Ngunb'épji ni Dyenje ra Tsjaa ri nuu ja ni tsjaji ri b'ós'i ko yo meryo nu B'épji;

p) Yo Órte k'o uní ja ni kjaa nzi ra mama k'a yo Reglas, mbe, ma ri tr'óri dya sóo ri ngich'i k'a yo Tee ni B'ós'i k'a B'épji, ri ngejeji k'a xiskuama ni d'eb'e, k'a ri uní sjétsi nu Ngunb'épji Kjuanzakí;

q) Ma Tee ni B'ós'i dya ri ma nrrée nu b'ós'i, nu Ngunb'épjh Kjuanzakí, nzi ra dyóri nu Ngunb'épji ni

Dyenje ra Tsjaa, ri uní sjétsi ri ts'otr'i neje ri pótríji k'o ri kjaa ma ra tsjaji nu B'épji, ri mama ri tsjapíji na joo K'o ni ngara k'a xiskuama ni d'eb'e;

q) Yo dyaka k'o nzi ra mama nu Comité.

10.2. Ma ri pótríji yo tee ni b'ós'i





"2025. Bicentenario de la vida municipal en el Estado de México"

Ma ri dyagi nzi ra mama k'a b'ezhe 8.1. 9.1, nu Comité ri unī sjétsi ri b'óri yo Tee ni B'ós'i nrreze nzi ra ngeje nu xiskuama ni d'eb'e o ma o dyis'iiji yo trjuu neje o unīji k'o dyotriji k'a ya bi ngich'iji k'a B'épji na, ma otr'i ri nuu Ngunb'épji ni Dyenje ra Tsjaa neje o unī sjétsi un Ngunb'épji Kjuanzakī.

Nu Ngunb'épji ni Dyenje ra Tsjaa ra zojnī yo d'adyo Tee ni B'ós'i ngekua ri xipji pje ma paa, ja ma nnrame ri zīnī Neje ja ngekua ri unīji yo b'ós'i. Yo na joo ni kjaa k'a B'épji ri mamaji nrreze ma ri ngich'iji, nrreze nzi ra kjaa meryo sóo ri s'od'iiji k'o unī sjétsi.

11. Nu ma ponch'iiji

Nu CEDIPIEM sóo ri tsjaji yo ni ts'ejmeji, ngekua ri zéchiji ma ri tsjaji neje ri ngins'iji ri tsjaji ri ngins'i k'o jod'i ri tsjaji k'a B'épji na. Yo ngunb'épji kjai nu b'épji ri jyod'iiji ri ngejmeji pa ri mbarīji yo b'épji dya chindeji, ri tsjapījina s'oo o ri yepe ri tsjaji yo dyaja B'épji k'a dyaja Programas de Desarrollo Social o yo b'épji nu Arkete.

12. Ja ri tsjapīji ra pjóxteji yo tee k'a jñiñi

Ma ri tsjaji neje ri nuji ja ni maa nu B'épji na, ri tsjapīji ra pjóxte yo tee k'a jñiñi, parpate yo Jñiñi Teetrjo Ñatrjoji neje yo ngunb'épji ndasjóri k'o ri ngaa k'a Comité.

13. Ri pjons'iiji

13.1 Ja ri pjons'i

Nu pjons'i k'a B'épji ri tsjaji nzi ra mama k'a Reglamento k'a un Kjuanzakī, akjanu xo ri pjons'iiji nuk'a nzi ra mama nu Ngunb'épji Kjuanzakī. Yo Reglas de Operación ngeje ri pjons'iiji k'a Periódico Oficial "Gaceta del Gobierno", neje k'a xiskuama nu CEDIPIEM, nzi ra mama k'a Jmama 18 k'a Kjuanzakī, textrjo xiskuama k'o ri tsjapīji ri mbarīji neje ri chīnīji k'a B'épji na ri jñunsī nu naja b'ezhe jñaa a kjaba:

"NU B'ÉPJI NA NGEJE RI MBARĪ YO TEE K'A JÑIÑI, K'A N'AÑO YO PARTIDO POLÍTICO. DYAKJO PJE SÓO N'AÑO RI TSJAPĪJI K'O DYA NI NGEJE NI NA'TA YO JÑIÑI. MA KJOK'O DYA RI TSJAPĪ NA JOO YO MERYO NU B'ÉPJI NA RI NZHÓPĪJI NEJE RI ZĪB'ĪJI K'A JMII YO ARKETE NZI RA JÑUS'Ī K'A KJUANZAKĪ NI JMAMA AKJANU".

Nu ma ri chīnīji yo b'épji k'o ri tsjaji k'a B'épji k'a ni ngeje ri zētr'ēji neje ri ngeje k'a web nu CEDIPIEM. <http://cedipiem.edomex.gob.mx/> Yo Reglas ra ngeje ri pótr'iiji k'a jñatrjoji Jñiñi Teetrjo Ñatrjo k'o ni ngara a Ts'ib'onrró, nuk'o ri ngeje sóo ri dyónīji k'a ni dyenje XXXXXX k'a sitio web nu CEDIPIEM <http://cedipiem.edomex.gob-mx/>

13.2 S'ojnī





"2025. Bicentenario de la vida municipal en el Estado de México"

Nu S'ojni na k'a ri tr'is'i yo Trjuu yo Órte ri ngeje ri pjons'i ma pama pama ri mbés'iji na punkji meryo k'o ri s'od'iji nu kjedya, ngextrjo trjok'i ri pjons'i nu CEDIPIEM, nu paa neje yo paa k'o nzi ra mama nu ngunb'épi Kjuanzakí.

14. Nu ja joo ri tsjaji

Nu CEDIPIEM ri mbés'i nu jmama k'a B'épi na nzi ra jñus'i k'a nu Ley de Transparencia y Acceso a la Información Pública del Estado de México y Municipios, k'a sóo ri tsjaji k'o ni jmama ri b'óri k'o pés'i nrre d'ats'éjéji.

15. Ja ni nuji ni maa

Nu Ngunb'épi ni Dyenje ra Tsjaa ra tsjaa yo b'épi k'a ri nuji ja ni chanaji neje ri m'arí ni uníji yo b'ós'i k'a B'épi na, k'a ri xos'iji yo xiskuama ri nzhóji k'a Ngunb'épi Kjuanzakí.

16. Ri nuji ja ba a maa nu b'épi

16.1 Ri n'año ri nuji ja ni maa nu b'épi nrreze a trjii

Sóo ri tsjaji tsjem'a ra nuji ja ba a maa nu b'épi nrreze a trjii (ngextrjo nu), ja ri mbeñe ri tsjaji, ja ri jyok'iji o ja me ga nuji ni mbes'e), k'o jmurte sis'i nu CIEPS, k'o kja pama pama ri joo neje ma kja na punkji meryo k'o s'od'i nu kjék'i.

16.2 Ri nzhóji k'o ri stjaji

Nu Ngunb'épi ni dyenje ra Tsjaa tsjem'a ri nzhóo k'a Ngunb'épi Kjuanzakí ja ba tsjaji nu B'épi, ma ra nguarí nu kjée.

17. Ri jnuu, ni mbaraji ja ba maa neje ri b'óri

Nu ni jnuji, ri mbaraji neje ri b'óri yo meryo k'o uní sjétsi nu Junta de Gobierno k'a CEDIPIEM, ni dyenje ra tsjaa nu Órgano Superior de Fiscalización del Estado de México, nu Secretaría de la Contraloría del Estado de México neje nu Órgano Interno de Control, k'o ni dyenje ra tsjaa, k'a ri tsjapij ja nee ri tsjaji k'a sóo ri nuji ja me ga ch'uníji yo b'ós'i yo Tee ni B'ós'i.

18. Ja ni nzhóji neje ja ni kóxteji

Nuk'o dya ni ngejmeji, yo nzhóji o yo kóxteji ja ri tsjaji neje ja ch'uníji yo b'ós'i, ngeje sóo ri tsjapiji ra m'arí yo Tee ni B'ós'i o nu jñiñi, k'a yo dyaja sóo ri tsjaji:

a) **Ngextrjo ri tr'opji:** nuk'a Ngunb'épi ni Dyenje rs Tsjaa o ri ngeje nu Vocalía Ejecutiva k'a CEDIPIEM, k'i jara k'a ñ'iji

Nigromante b'ezhe 305, Col. La Merced, Jñiñi a Zimi, a Tsib'onrró. C.P. 50080.

b) **Nuk'a jñajesibi:** nuk'a ngunb'épi nu CEDIPIEM 722 2 13 58 94 k'a 95 nuk'a Centro de Atención Telefónica del Gobierno del Estado de México (CATGEM), k'a dya ri ts'ontr'i 800 696 96 96 neje k'a SAMTEL 800 720 02 02, 800 711 58 78 neje 800 honesto (466 3786) textrjo k'a jñiñi a B'onrró ñeje k'a 070 a Zimi ñeje k'a ñ'iní; neje 722 2 75 67 90, 722 2 75 67 96 neje 722 2 75 67 00 k'a ni makí 6581 neje k'a 66 16 k'a Secretaría de la Contraloría.

c) **Nuk'a Internet:** nuk'a correo sibi cedipiem@edomex.gob.mx neje k'a web www.secogem.gob.mx/SAM.

d) **Nuk'i ri nats'éjé:** nuk'a Órgano Interno de Control k'a CEDIPIEM, k'i jara k'a ñ'iji Nigromante ni b'ezhe 305, Col. La Merced k'a Jñiñi a Zimi a Ts'ib'onrró, C.P. 50080; nuk'a yo



Nigromante núm. 305. Col. La Merced, C.P. 50080, Toluca, Estado de México

Tel: (722) 213 58 94



“2025. Bicentenario de la vida municipal en el Estado de México”

Delegaciones Regionales de Contraloría Social, Atención Ciudadana o nuk’a Dirección General de Responsabilidades k’a Secretaría de la Contraloría del Gobierno del Estado de México.

e) Nuk’a jñajesibi dyĩnĩ pjeñe: ri ngeje k’a ri tsjaji “Denuncia EDOMEX”, k’o ni dyenje ra tsjaa nu Secretaría de la Contraloría del Estado de México.

NUK’O NI KJOGİTRJO

NU NI OTR’İ. Pjons’iji nu ts’ejme k’a Periódico Oficial “Gaceta del Gobierno”.

NUNA NI YEJE. Nu ni Ts’ejme na ri ngich’i ri m’arĩ mo jyas’i o paa mo pjons’iji k’a Periódico Oficial “Gaceta del Gobierno” neje ri nuji ta ngeje ma pótr’iji o ma ri nguarĩ nu B’épji na.

NUNA NI JÑII. Yo kjuanzakĩ k’o ri mbarĩji, nzi ra kjaa akjanu, ta ngeje ri nguarĩ k’o, k’a ri chjétrjoji k’o juns’i yo Reglas.

NUNA NI NZIYOJO. Numa ri ch’unĩ yo b’ós’i k’a B’épji na ri tsjaji nzi ra kjaa meryo k’o unĩji sjétsi ri s’od’iji nu kjédya.

NUNA NI TSICH’A. Nu Comité de Admisión y Seguimiento ri ñ’emeji ma ya kjogĩ dyech’a tsich’a paa mo pjons’iji yo Reglas, nuk’a Periódico Oficial “Gaceta del Gobierno”.

NUNA NI Ñ’ANTO. Nu Comité de Admisión y Seguimiento ri pjóns’i yo Lineamientos Internos ma ya kjogĩ dyech’a tsich’a paa mo ñ’emeji.

NUNA NI YENCHO. Nuk’o dya ni m’arĩ neje k’o dya juns’iba ri kjaa mo ri tsjaji k’o Ngejmeji, neje trexe k’o dya juns’iba ngeje ni dyenje ra tsjaa nu Comité k’a B’épji na.

O ch’unĩ k’a Jñiñi a Zimi nu Lerdo, a Ts’ib’onrró, mo dyote yenko paa nu na yeje zana nu kjédya 2025.

ZOYA ÑANTE MANUEL QUIÑONES FLORES K’İ PARPA NU ZOYA K’İ SIS’I NU NGUNB’ÉPJI NI CHJUU CONSEJO ESTATAL PARA EL DESARROLLO INTEGRAL DE LOS PUEBLOS INDÍGENAS DEL ESTADO DE MÉXICO.- XAXİ.

“NU B’ÉPJI NA NGEJE RI MBARİ YO TEE K’A JÑIÑI, K’A N’AÑO YO PARTIDO POLÍTICO. DYAKJO PJE S’ÓÓ N’AÑO RI TSJAPİJI K’O DYA NI NGEJE NU NI NA’TA YO JÑIÑI. MA KJOK’O DYA RI TSJAPİ NA JOO YO MERYO NU B’ÉPJI NA RI NZHÓPİJI NEJE RI ZİB’İJI K’A JMII YO ARKETE NZI RA JÑUS’İ K’A KJUANZAKİ NI JMAMA AKJANU”.

